



UNIVERSITÄTS-
BIBLIOTHEK
PADERBORN

Vitæ D. N. Iesv Christi Monotessaron Evangelicum

Heser, Georg

Monachii, 1657

Pars Septima. De gloria D. N. Iesu Christi Redivivi.

Nutzungsbedingungen

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

(299.)

VITÆ

D. N. JESU
CHRISTI

Monotestaron Evangelicum.

PARS VII.

*De gloria D. N. IESU Christi
Redivivi.*

ADHORTATIO.

O lux perpetua, cuncta creata transcendens
lumina, fulgura coruscationem de sublimi
penetrantem omnia cordis mei intima.
Purifica, lætifica, clarifica, & vivifica spiri-
tum meum, cum suis potentijs, ad inhæ-
rendum tibi jubilosis excessibus. O quan-
do veniet hæc beata & desiderabilis hora,
ut tuâ me sâties præsentia, & sis mihi o-
mnia in omnibus! Quamdiu hoc datum
non fuerit, nec plenum gaudium erit.
Adhuc proh dolor! vivit in me vetus ho-
mo, non est totus crucifixus, non est per-
fectè mortuus. Adhuc concupiscit forti-
ter contra spiritum, bella movet intesti-

N 6 na,

na, nec regnum animæ patitur esse quietum. Sed tu exurge, adjuva me. *Thomas à Kempis lib. 3. de Imitatione Christi, cap. 34. §. 3. & 4.*

MEDITATIO CCCXXII.

Christus Resurrectionem suam tertio die futuram predixit.

I. **R**esponderunt Iesu quidam de Scribis & Phariseis, dicentes: Magister, volumus à te signum videre. *Matth. 12. v. 38.*

II. Turbis autem concurrentibus, cœpit dicere: Generatio hæc, generatio nequam est. *Luc. 11. v. 29.* Generatio mala & adultera signum quærit, & signum non dabitur ei, nisi signum Ionæ prophetæ. *Matth. 12. v. 39. Luc. 11. v. 29.*

III. Nam sicut fuit Ionas signum Ninivitis: ita erit & filius hominis generationi isti. *Luc. 11. v. 30.* Sicut enim fuit Ionas in ventre ceti tribus diebus, & tribus noctibus; sic erit filius hominis in corde terræ tribus diebus, & tribus noctibus. *Matth. 12. v. 40.*

IV. Regina Austri surget in iudicio cum viris generationis huius, & condemnabit illos: quia venit à finibus terræ audire sapientiam Salomonis: & ecce plus quàm Salomon hic. *Luc. 11. v. 31. Matth. 12. v. 42.*

Viri

CHRISTI REDIVIUI. 301

Viri Ninivitæ surgent in iudicio cum generatione ista, & condemnabunt eam; quia poenitentiam egerunt in prædicatione Ionæ. Et ecce plus quàm Ionas hic, *Matth. 12. v. 41. Luc. 11. Vers. 32.*

MEDITATIO CCCXXIII.

Mulieres parant aromata, & egrediuntur ad sepulcrum.

I. **V**espere autem Sabbati, quæ lucefcit in prima Sabbati, venit Maria Magdalene, & altera Maria, videre sepulcrum. *Matth. 28. Vers. 1.*

II. Et cùm transisset Sabbatum, Maria Magdalene, & Maria Iacobi, & Salome emerunt aromata, ut venientes ungerent IESUM. *Marc. 16. v. 1.*

III. Vna autem Sabbati, *Luc. 24. v. 1. Ioan. 20. v. 1.* unâ Sabbatorum; *Marc. 16. v. 2.* valde diluculo, *Luc. 24. Vers. 1.* valde mane, *Marc. 16. v. 2.* cùm adhuc tenebræ essent, *Ioan. 20. v. 1.* veniunt ad monumētum, orto jam sole, *Marc. 16. v. 2.* portantes, quæ paraverant, aromata. *Luc. 24. v. 1.*

MEDITATIO CCCXXIV.

Terra motu concutitur: Angelus lapidem reuoluit.

I. Et

502 GLORIA IESU

ET ecce terræ motus factus est magnus. Angelus enim Domini descendit de caelo, & accedens revolvit lapidem, & sedebat super eum. *Matth. 28. v. 2.*

II. Erat autem aspectus ejus sicut fulgur: & vestimentum ejus sicut nix. *Matthaei 28. Vers. 3.*

III. Præ timore autem ejus exterriti sunt custodes, & facti sunt velut mortui. *Matthaei 28. v. 4.*

MEDITATIO CCCXXV.

Angeli apparent mulieribus in loco sepulchri.

ET dicebant (Maria Magdalene, & Maria Jacobi, & Salome, *Marc. 16. v. 1.*) ad invicem: Quis revolvat nobis lapidem ab ostio monumenti? *Marc. 16. v. 3.* erat quippe magnus valde, *Vers. 4.* Et respicientes viderunt revolutum lapidem. *Marc. 16. v. 4.* Invenerunt lapidem revolutum a monumento. *Luc. 24. v. 2.*

II. Et introeuntes in monumentum, viderunt juvenem sedentem in dextris, coopertum stolâ candidâ, & obstupuerunt. *Marc. 16. v. 5.* Respondens autem Angelus dixit mulieribus: Nolite timere vos. *Matthaei 28. v. 5.* Nolite expavescere. *Marc. 16. v. 6.*

Scio

CHRISTI REDIVIVA 303

Scio enim, quòd IESUM *Matth. 28. Vers. 5.*
Nazarenum, *Marc. 16. v. 6.* qui crucifixus
est, quæritis. Non est hîc: surrexit enim, si-
cut dixit. *Matth. 28. v. 5. & 6.* Ecce locus,
ubi posuerunt eum. *Marc. 16. v. 6.* Venite,
& videte locum, ubi positus erat Dominus.
Matth. 28. v. 6.

III. Et ingressæ non invenerunt corpus
Domini IESU. Et factum est, dum mente
consternatæ essent de isto, ecce duo viri ste-
terunt secus illas in veste fulgenti. *Luc. 24.*
Vers. 3. & 4.

MEDITATIO CCCXXVI.

*Mulieres ab Angelis magis instruuntur
de Resurrectione Domini.*

I. **C**Um timerent autem, & declinarent
vultum in terram, dixerunt (duo viri)
ad illas: Quid quæritis viventem cum mor-
tuis? Non est hîc, sed surrexit. Recordami-
ni, qualiter locutus est vobis, cùm adhuc in
Galilæa esset, dicens: Quia oportet filium ho-
minis tradi in manus hominum peccatorû,
& crucifigi, & die tertiâ resurgere. Et recor-
datae sunt verborum eius. *Luc. 24. Vers. 5.*
v. 7. 8.

II. Sed

304 GLORIA IESU

II. Sed (citò euntes *Matth. 28. v. 7.*)
ite, dicite discipulis ejus, & Petro, *Marc. 16.
v. 7.* quia surrexit: & ecce præcedit vos in
Galilæam: ibi eum videbitis, sicut dixit vo-
bis, *Matth. 28. v. 7. Marc. 16. v. 7.* Ecce
prædixi vobis, *Matth. 28. v. 7.*

III. Et exierunt citò de monumento cum
timore & gaudio magno, currentes nuncia-
re discipulis ejus. *Matth. 28. v. 8.* Illæ exe-
untes, fugerunt de monumento; invaserat
enim eas tremor & pavor: & nemini quic-
quam dixerunt, timebant enim. *Marc. 16.
vers. 8.*

MEDITATIO CCCXXVII.

*Currunt mulieres ad Aposto-
los nuncia.*

I. **E**T regressæ à monumento, nunciave-
runt hæc omnia illis undecim, & ceteris
omnibus. Erat autem Maria Magdalene, &
Ioanna, & Maria Jacobi, & ceteræ quæ cum
eiserant, quæ dicebant ad Apostolos hæc.
Luc. 24. v. 9. & 10.

II. Et visa sunt ante illos, sicut deliramen-
tum, verba ista, & non crediderunt illis. *Lu-
ca 24. v. 11.*

III. Cucurrit ergo (Maria Magdalene) &
venit ad Simonem Petrum, & ad alium disci-
pu-

pulum, quem amabat Iesus, & dicit illis: Tu-
lerunt dominū de monumento, & nescimus,
ubi posuerunt eum. *Ioan. 20. v. 2.*

MEDITATIO CCCXXVIII.

*Petrus & Ioannes currunt
ad sepulcrum.*

I. **P**etrus autem surgens cucurrit ad monu-
mentum. *Luc. 24. v. 12.* Exiit ergo
Petrus, & ille alius discipulus, & venerunt
ad monumentum. Currebant autem duo
simul, & ille alius discipulus præcucurrit ci-
tius Petro, & venit primus ad monumen-
tum. Et cum se inclinasset, vidit posita lin-
teamina: non tamen introivit. *Ioan. 20.
vers. 3. 4. 5.*

II. Venit ergo Simon Petrus sequens e-
um, & introivit in monumentum: *Ioan. 20.
v. 6.* & procumbens vidit linteamina sola
posita: *Luc. 24. v. 12.* & sudarium, quod
fuerat super caput eius, non cum linteamini-
bus positum, sed separatim involutum in
unum locum. *Ioan. 20. v. 7.*

III. Tunc ergo introivit & ille discipu-
lus, qui venerat primus ad monumentum;
& vidit, & credidit: nondum enim sciebant
Scripturam, quia oportebat eum à mortuis
resurgere. Abierunt ergo iterum discipuli
ad

ad semetipfos. *Ioan.* 20. & 8. 9. 10. Abijt.
 Petrus secum mirans, quod factum fuerat.
Luc. 24. & 12.

MEDITATIO CCCXXIX

*Magdalena secundo veniens ad sepulcrum,
 duos rursus Angelos videt.*

LMaria autem stabat ad monumentum
 foris, plorans. Dum ego fletet, in-
 clinavit se, & prospexit in monumentum.
Ioan. 20. & 11.

II. Et vidit duos Angelos in albis, seden-
 tes; unum ad caput, & unum ad pedes, ubi
 positum fuerat corpus Iesu. *Ioan.* 20. & 12.

III. Dicunt ei illi: Mulier, quid ploras?
 Dicit eis: Quia tulerunt Dominum meum,
 & nescio, ubi posuerunt eum. *Ioan.* 20. & 13.

MEDITATIO CCCXXX.

*Christus à mortuis rediivivus apparet
 primò Marta Magdalena.*

I. **S**urgens autem Iesus manè, primà Sab-
 bati, apparuit primò Mariæ Magdalenaë,
 de qua eiecerat septem dæmonia. *Marc.* 16.
 & 9. Modus apparitionis huius narratur à
 Joanne hunc in modum.

II. Hæc (quæ & 13. locata est) cum dixisset,

CHRISTI REDIVIUI. 307

xisset, conversa est retrorsum, & vidit IESUM
stantem: & non sciebat, quia IESUS est. Di-
cit ei IESUS: Mulier, quid ploras? quem quæ-
ris? Illa existimans, quia hortulanus esset,
dicit ei: Domine, si tu sustulisti eum, dicito
mihi, ubi posuisti eum, & ego eum tollam.

Ioan. 20. v. 14. & 15.

III. Dicit ei IESUS: Maria. Conversa illa,
dicit ei: Rabboni, (quod dicitur, Magister) Di-
cit ei IESUS: Noli me tangere, nondum enim
ascendi ad Patrem meum: vade autem ad
fratres meos, & dic eis: Ascendo ad Patrem
meum, & Patrem vestrum: Deum meum, &
Deum vestrum. *Ioan. 20. v. 16. & 17.*

IV. Venit Maria Magdalene annuncians
discipulis; Quia vidi Dominum, & hæc dixit
mihi. *Ioan. 20. v. 18.* Illa vadens nunciavit
his, qui cum eo fuerant, lugentibus & flen-
tibus. Et illi audientes, quia viveret, & visus
esset ab ea, non crediderunt. *Marc. 16. vers.
10. & 11.*

MEDITATIO CCCXXXI.

*Ceteris Magdalene comitibus apparet
Christus in via.*

I. **E**Cce IESUS occurrit illis, dicens: Ave-
te, *Matth. 28. v. 9.*

II II

II. Illæ autem acceſſerunt, & tenuerunt pedes ejus, & adoraverunt eum. *Matth. 28. Verſ. 9.*

III. Tunc ait illis Ieſus: Nolite timere. Ite, nunciate fratribus meis, ut eant in Galilæam, ibi me videbunt. *Matth. 28. V. 10.*

MEDITATIO CCCXXXII.

*Duobus diſcipulis euntibus Emmaum-
tem Chriſtus ignotus ſeſe
jungit.*

I. **P**ost hæc autem duobus ex his ambulanti-
bus oſtenſus eſt in alia effigie, eunti-
bus in villam, *Marc. 16. V. 12. Modum hu-
jus apparitionis narrat Lucas hiſce Verbis.*

II. Ecce duo ex illis ibant ipſâ die in ca-
ſtellum, quod erat in ſpatio ſtadiorum ſexa-
ginta ab Ieruſalem, nomine Emmaus. Et
ipſi loquebantur ad invicem de his omnibus,
quæ acciderant. *Luc. 24. V. 13. & 14.*

III. Et factum eſt, dum fabularentur, &
ſecum quærerent, & ipſe Ieſus appropin-
quans ibat cum illis. Oculi autem illorum
tenebantur, ne eum agnoſcerent. *Luc. 24.
Verſ. 15. & 16.*

MEDITATIO CCCXXXIII.

Christus, quos sermones inter se conferrant, exquirat.

I. **A**IT IESUS ad illos: Qui sunt hi sermones, quos confertis ad invicem ambulantes, & estis tristes? Et respondens unus, cui nomen Cleophas, dixit ei: Tu solus peregrinus es in Ierusalem, & non cognovisti, quæ facta sunt in illa his diebus? *LUC. 24. v. 17. & 18.*

II. Quibus ille dixit: Quæ? Et dixerunt: De IESU Nazareno, qui fuit vir propheta, potens in opere & sermone, coram DEO & OMNI populo: & quomodo eum tradiderunt summi Sacerdotes & principes nostri in damnationem mortis, & crucifixerunt eum. Nos autem sperabamus, quia ipse esset redempturus Israël: & nunc super hæc omnia tertia dies est hodie, quod hæc facta sunt. *LUC. 24. Vers. 19. 20. 21.*

III. Sed & mulieres quædam ex nostris terruerunt nos, quæ ante lucem fuerunt ad monumentum. Et non invento corpore eius, venerunt, dicentes, se etiam visionem Angelorum vidisse, qui dicunt eum vivere. Et abierunt quidam ex nostris ad monumeta-

MENTUM,

tum, & ita invenerunt, sicut mulieres dixerunt, ipsum verò non invenerunt, *Luc. 24. Vers. 22, 23, 24.*

MEDITATIO CCCXXXIV.

*Christus corripit incredulos,
atque instruit.*

I. **E**T ipse (Iesus) dixit ad eos: O stulti, & tardi corde ad credendum, in omnibus, quæ locuti sunt Prophetæ! Nonne hæc oportuit pati Christum, & ita intrare in gloriam suam? *Luc. 24. V. 25. & 26.*

II. Et incipiens à Moysè, & omnibus Prophetis, interpretabatur illis in omnibus Scripturis, quæ de ipso erant. *Luc. 24. V. 27.*

III. Et appropinquaverunt castello, quò ibant: & ipse se finxit longius ire. Et cœgerunt illum, dicentes: Mane nobiscum, quoniam advesperascit, & inclinata est jam dies. Et intravit cum illis, *Luc. 24. V. 28. & 29.*

MEDITATIO CCCXXXV.

Christus agnoscitur in fractione panis.

I. **E**T factum est, dum recumberet cum eis, accepit panem, & benedixit, ac fregit, & porrigebat illis. *Luc. 24. V. 30.*

CHRISTI REDIVIUI. 311

II. Et aperti sunt oculi eorum, & cognoverunt eum: & ipse evanuit ex oculis eorum.

Luc. 24. v. 31.

III. Et dixerunt ad invicem: Nonne cor nostrum ardens erat in nobis, dum loqueretur in via, & aperiret nobis Scripturas?

Luc. 24. v. 32.

MEDITATIO CCCXXXVI.

Illi visionem suam narrant Apostolis:

& ab his accipiunt novam,

Simoni factam.

I. ET surgentes eadem horâ, regressi sunt in Ierusalem: & invenerunt congregatos undecim, & eos qui cum illis erant,

Luc. 24. v. 33.

II. Dicentes: Quòd surrexit Dominus verè, & apparuit Simoni.

Luc. 24. v. 34.

III. Et ipsi narrabant, quæ gesta erant in via; & quomodo cognoverunt eum in fractione panis.

Luc. 24. v. 35. Illi euntes nunciaverunt ceteris: nec illis crediderunt.

Mar. 16. v. 13.

MEDITATIO CCCXXXVII.

Eodem die Christus apparet vespere, stans in medio Discipulorum.

I. CUM

I. **C**Um serò esset die illo, unâ Sabbatorum, & fores essent clausæ, ubi erant discipuli congregati propter metum Iudæorum, venit Iesus, & stetit in medio (eorum, *Luc. 24. v. 36.*) & dixit eis: Pax vobis. *Ioan. 20. v. 19.* Ego sum, nolite timere. *Luc. 24. v. 36.*

II. Conturbati verò, & conterriti, existimabant se spiritum videre. Et dixit eis: Quid turbati estis, & cogitationes ascendunt in corda vestra? Videte manus meas, & pedes, quia ego ipse sum: palpate, & videre, quia spiritus carnem & ossa non habet, sicut me videtis habere. *Luc. 24. v. 37. 38. 39.*

III. Et cum hoc dixisset, ostendit eis manus, & pedes, *Luc. 24. v. 40.* & latus. *Ioan. 20. v. 20.*

IV. Gavisi sunt ergo discipuli, viso Domino. *Ioan. 20. v. 20.*

MEDITATIO CCCXXXVIII.

Christus ab eis petit cibum, & manducat.

I. **A**Dhuc autem illis non credentibus, & mirantibus præ gaudio, dixit: Habetis hic aliquid, quod manducetur? *Luc. 24. vers. 41.*

II. Ac

CHRISTI REDIVIUI. 313

II. At illi obtulerunt ei partem piscis
assii, & favum mellis. *Luc. 24. v. 42.*

III. Et cum manducasset coram eis, su-
mens reliquias dedit eis. *Luc. 24. v. 43.*

MEDITATIO CCCXXXIX.

*Christus impertit ijs Spiritum sanctum,
& potestatem facit remittendi
peccata.*

I. **D**ixit ergo eis iterum Iesus: Pax vobis.
Sicut misit me Pater, & ego mitto vos.
Ioan. 20. v. 21.

II. Hæc cum dixisset, insufflavit: & di-
xit eis: Accipite Spiritum sanctum. *Ioan.*
20. vers. 22.

III. Quorum remiseritis peccata, remit-
tuntur eis: & quorum retinueritis, retenta
sunt. *Ioan. 20. v. 23.*

MEDITATIO CCCXL.

*Thomas tunc, cum discipulis apparuit
Christus, absentis summa in-
credulitas.*

I. **T**homas autem unus ex duodecim,
qui dicitur Didymus, non erat cum
eis, quando venit Iesus. *Ioan. 20. v. 24.*

O

II. Di-

II. Dixerunt ergo ei alij discipuli: Vidimus Dominum. *Ioan. 20. v. 25.*

III. Ille autem dixit eis: Nisi videro in manibus ejus fixuram clavorum, & mittam digitum meum in locum clavorum, & mittam manum meam in latus ejus, non credam. *Ioan. 20. v. 25.*

MEDITATIO CCCXLI.

Thomas à Christo post octiduum primum reducitur ad fidem.

I. **E**T post dies octo, iterum erant discipuli ejus intus; & Thomas cum eis. Venit Iesus januis clausis, & stetit in medio, & dixit: Pax vobis. *Ioan. 20. v. 26.*

II. Deinde dicit Thomæ: Infer digitum tuum huc, & vide manus meas, & affer manum tuam, & mitte in latus meum: & noli esse incredulus, sed fidelis. Respondit Thomas, & dixit ei: Dominus meus, & Deus meus. *Ioan. 20. v. 27. § 28.*

III. Dixit ei Iesus: Quia vidisti me Thoma, credidisti: beati, qui non viderunt, & crediderunt. *Ioan. 20. v. 29.*

CHRISTI REDIVIUI. 315
MEDITATIO CCCXLII.

*Christus apparet discipulis
piscantibus.*

I. **P**OSTEA manifestavit se iterum IESUS discipulis ad mare Tiberiadis. Manifestavit autem sic: Erant simul Simon Petrus, & Thomas, qui dicitur Didymus; & Nathanaël, qui erat à Cana Galilææ; & filij Zebedæi, & alij ex discipulis ejus duo. *Ioan. 21. v. 1. 2.*

II. Dicit eis Simon Petrus: Vado piscari. Dicunt ei: Venimus & nos tecum. Et exierunt, & ascenderunt in navim: & illâ nocte nihil prendiderunt. *Ioan. 21. v. 3.*

III. Mane autem facto, stetit IESUS in litore: non tamen cognoverunt discipuli, quia IESUS est. *Ioan. 21. v. 4.*

MEDITATIO CCCXLIII.

*Christus copiam illis facit ingentem vim
piscium capiendi.*

I. **D**IXIT ergo eis IESUS: Pueri, numquid pulmentarium habetis? Responderunt ei: Non. *Ioan. 21. v. 5.*

II. Dicit eis: Mittite in dexteram navigij rete, & inveniatis. *Ioan. 21. v. 6.*

III. Miserunt ergo : & jam non valebant illud trahere præ multitudine piscium. *Ioan. 21. Vers. 6.*

MEDITATIO CCCXLIV.

Christus in captura piscium agnoscitur.

I. **D**ixit ergo discipulus ille, quem diligebat Iesus, Petro : Dominus est. *Ioan. 21. Vers. 7.*

II. Simon Petrus cum audisset, quia Dominus est, tunicam succinxit se (erat enim nudus) & misit se in mare. *Ioan. 21. Vers. 7.*

III. Alij autem discipuli navigio venerunt (non enim longè erant à terra, sed quasi cubitis ducentis) trahentes rete piscium. *Ioan. 21. Vers. 8.*

MEDITATIO CCCXLV.

Christus cibum parat, & inter discipulos distribuit.

UT ergo descenderunt in terram, viderunt prunas positas, & piscem superpositum, & panem. Dicit eis Iesus : Afferete de piscibus, quos prendidistis nunc. Ascendit Simon Petrus, & traxit rete in terram plenum magnis piscibus, centum quinque

quaginta tribus. Et cum tanti essent, non est scissum rete. *Ioan. 21. & 9. 10. 11.*

II. Dicit eis Iesus: Venite, prandete. Et nemo audebat discumbentium interrogare eum: Tu quis es? scientes, quia Dominus est. *Ioan. 21. & 12.*

III. Et venit Iesus, & accipit panem, & dat eis, & piscem similiter. Hoc jam tertio manifestatus est Iesus discipulis suis, cum resurrexisset a mortuis. *Ioan. 21. Vers. 13. & 14.*

MEDITATIO CCCXLVI.

Christus Petro suas oves committit.

I. **C**Um ergo prandissent, dicit Simoni Petro Iesus: Simon Ioannis, diligis me plus his? Dicit ei: Etiam Domine, tu scis, quia amo te. Dicit ei: Pasce agnos meos. *Ioan. 21. & 15.*

II. Dicit ei iterum: Simon Ioannis, diligis me? Ait illi: Etiam Domine, tu scis, quia amo te. Dicit ei: Pasce agnos meos. *Ioan. 21. & 16.*

III. Dicit ei tertio: Simon Ioannis, amas me? Contristatus est Petrus, quia dixit ei tertio, Amas me? & dixit ei: Domine, tu

O 3 omnia

valebant
m. *Ioan.*

LIV.

m
m dilige-
est. *Ioan.*

quia Do-
enim nu-
& 7.
gio vene-
sed qua-
piscium.

LV.

discipu-
m, vide-
m super-
s: Affec-
c. Ascen-
terram
m quinq
quz

318 GLORIA IESU

Omnia nōsti: tu scis, quia amo te. Dixit ei:
Pasce oves meas. *Ioan. 21. & 17.*

MEDITATIO CCCXLVII.

*Christus Petro pradicat ge-
nus mortis.*

I. **A** Men, amen dico tibi: cūm esses junior,
cingebas te, & ambulabas, ubi vole-
bas: cūm autem senueris, extends manus
tuas, & alius te cinget, & ducet, quō tu non
vis. *Ioan. 21. & 18.*

II. Hoc autem dixit, significans, quā
morte clarificaturus esset Deum. *Ioan. 21.
Vers. 19.*

III. Et cūm hoc dixisset, dicit ei: Seque-
re me. *Ioan. 21. & 19.*

MEDITATIO CCCXLVIII.

*Christus Petrum curiosū de Ioanne
querentem corripit.*

I. **C**onversus Petrus, vidit illum discipu-
lum, quem diligebat Iesus, sequen-
tem, qui & recubuit in cæna super pectus
ejus, & dixit: Domine, quis est, qui tradet
te? Hunc ergō cūm vidisset Petrus, dixit Ie-
su: Domine, hic autem quid? *Ioan. 21.
Vers. 20. & 21.*

II. Dī-

II. Dicit ei IESUS: Sic eum volo manere, donec veniam, quid ad te? tu me sequere. *Ioan. 21. v. 22.*

III. Exiit ergo sermo iste inter fratres, quia discipulus ille non moritur. Et non dixit ei IESUS: Non moritur, sed; Sic eum volo manere, donec veniam, quid ad te? *Ioan. 21. Vers. 23.*

MEDITATIO CCCXLIX.

Christus in monte Galilæe discipulis suis ostendit.

I. **U**Ndecim autem discipuli abierunt in Galilæam, in montem, ubi constituerat illis IESUS. Et videntes eum, adoraverunt: quidam autem dubitaverunt. *Matth. 28. Vers. 16. & 17.*

II. Et accedens IESUS, locutus est eis, dicens: Data est mihi omnis potestas in cælo & in terra. *Matth. 28. v. 18.*

III. Euntes ergo docete omnes gentes: baptizantes eos in nomine Patris, & Filij, & Spiritus sancti: docentes eos servare omnia, quæcumque mandavi vobis. Et ecce ego vobiscum sum omnibus diebus usq; ad consummationem sæculi. *Matth. 28. Vers. 19. & 20.*

MEDITATIO CCCL.

Christus aperit discipulis suis sensum ad intelligendas Scripturas.

I. **D**ixit Iesus ad eos : Hæc sunt verba, quæ locutus sum ad vos, cùm adhuc essem vobiscum, quoniam necesse est impleri omnia, quæ scripta sunt in lege Moyse, & Prophetis, & Psalmis de me. *LUC. 24. V. 44.*

II. Tunc aperuit illis sensum, ut intelligerent Scripturas, & dixit eis : Quoniam sic scriptum est, & sic oportebat Christum pati, & resurgere à mortuis tertiâ die : & prædicari in nomine eius pœnitentiam, & remissionem peccatorum in omnes gentes, incipientibus ab Ierosolyma. *LUC. 24. Vers. 45. 46. 47.*

III. Vos autem testes estis horum. Et ego mitto promissum Patris mei in vos : vos autem sedete in civitate, quoadusque induamini virtute ex alto. *LUC. 24. V. 48. & 49.*

MEDITATIO CCCLI.

Novissima Christi apparitio.

I. **N**ovissimè recumbentibus illis undecim apparuit : & exprobravit incredulitatem eorum, & duritiam cordis ; quia

ijs,

CHRISTI REDIVIVI. 328

ijs, qui viderant eum resurrexisse, non cre-
diderunt, *Marc. 16. v. 14.*

I. Et dixit eis: Euntes in mundum uni-
versum, prædicate Evangelium omni crea-
turæ. Qui crediderit, & baptizatus fuerit,
salvus erit: qui verò non crediderit, conde-
mnabitur. *Marc. 16. v. 15. & 16.*

II. Signa autem eos, qui crediderint,
hæc sequentur: In nomine meo dæmonia
ejicient: linguis loquentur novis: serpentes
tollent: & si mortiferum quid biberint, non
eis nocebit: super ægros manus imponent,
& bene habebunt. *Marc. 16. v. 17. & 18.*

MEDITATIO CCCLII.

*Gloriosissima Christi in cælum
Ascensio.*

I. **E**T Dominus quidem Iesus postquam
locutus est eis, *Marc. 16. v. 19.* eduxit
eos foras in Bethaniam: & elevatis manibus
suis benedixit eis. *Luc. 24. v. 50.*

II. Et factum est, dum benediceret illis,
recessit ab eis, & ferebatur in cælum. *Luc.
24. v. 51.* Assumptus est in cælum, & sedet
à dextris Dei. *Marc. 16. v. 19.*

III. Et ipsi adorantes regressi sunt in Ie-
rusalem cum gaudio magno: & erant sem-
per in templo, laudantes & benedicentes

322 GLORIA IESU

Deum. *Luc. 24. v. 52. & 53.* Illi autem profecti prædicaverunt ubique, Domino cooperante, & sermonem confirmante, sequentibus signis. *Marc. 16, v. 20.*

MEDITATIO CCCLIII.

*Anacephaleosis apparitionum Christi,
ex Actis Apostolorum.*

I. PRIMUM quidem sermonem feci de omnibus, ô Theophile, quæ cœpit IESUS facere, & docere, usque in diem, quâ præcipiens Apostolis per Spiritum sanctum, quos elegit, assumptus est. *Lucas Actor. 1. v. 1. 2.*

II. Quibus & præbuit seipsum vivum, post passionem suam in multis argumentis, per dies quadraginta apparens eis, & loquens de regno Dei. *Act. 1. v. 3.*

III. Et convescens, præcepit eis, ab Ierosolymis ne discederent, sed expectarent promissionem Patris, quam audistis (inquit) per os meum: quia Ioannes quidem baptizavit aquâ, vos autem baptizabimini Spiritu sancto non post multos hos dies. *Actorum 1. Vers. 4. & 5.*

ME-

MEDITATIO CCCLIV.

De Ascensione Christi, ex Actis Apostolorum.

I. **I**gitur qui convenerant, interrogabant Ieum, dicentes: Domine, si in tempore hoc restitues regnum Israël? Dixit autem eis: Non est vestrum, nōsse tempora vel momenta, quæ Pater posuit in sua potestate: *Act. 1. v. 6. & 7.*

II. Sed accipietis virtutem supervenientis Spiritus sancti in vos: & eritis mihi testes in Ierusalem, & in omni Iudæa, & Samaria, & usque ad ultimum terræ. *Act. 1. v. 8.*

III. Et cum hæc dixisset, videntibus illis, elevatus est: & nubes suscepit eum ab oculis eorum. *Act. 1. v. 9.*

MEDITATIO CCCLV.

Angeli predicunt Christum similiter Genturum.

I. **C**um intuerentur in caelum euntem illum, ecce duo viri adstiterunt juxta illos in vestibus albis. *Act. 1. v. 10.*

II. Qui & dixerunt: Viri Galilæi, quid statis aspicientes in caelum? hic Iesus, qui assumptus est à vobis in caelum, sic veniet, quem.

124 GLORIA IESU

quemadmodum vidistis eum euntem in
coelum. *Actor. 1. v. 11.*

III. Tunc reversi sunt Ierosolymam, à
monte, qui vocatur Oliveti, qui est juxta
Ierusalem, Sabbati habens iter. *Act. 1. v. 12.*

MEDITATIO CCCLVI.

*Discipuli reversi Hierosolymam, ma-
nent in cenaculo congregati.*

I. **R**everfi sunt Ierosolymam, à monte,
qui vocatur Oliveti, qui est juxta Ieru-
salem, Sabbati habens iter. *Act. 1. v. 12.*

II. Et cum introissent, in cenaculum
ascenderunt, ubi manebant Petrus & Ioan-
nes, Iacobus & Andreas, Philippus & Tho-
mas, Bartholomæus & Matthæus, Iacobus
Alphæi, & Simon Zelotes, & Iudas Iacobi.
Actor. 1. v. 13.

III. Hi omnes erant perseverantes una-
nimiter in oratione cum mulieribus, & Ma-
ria matre Iesu, & fratribus ejus. *Actor. 1.
Vers. 14.*

MEDITATIO CCCLVII.

*In locum Iudæ traditoris, alius Resur-
rectionis Dominica testis substi-
tuendus queritur.*

I. Ia

I. IN diebus illis exurgens Petrus in medio fratrum, dixit: (erat autem turba hominum simul, ferè centum viginti) Viri fratres, oportet impleri Scripturam, quam prædixit Spiritus sanctus per os David de Iuda. *Act. 1. v. 15. 16.*

II. Scriptum est enim in libro Psalmorum: Fiat commoratio eorum deserta, & non sit qui inhabitet in ea: & episcopatum ejus accipiat alter. *Actor. 1. v. 20.*

III. Oportet ergo ex his viris, qui nobiscum sunt congregati in omni tempore, quo intravit & exivit inter nos Dominus Iesus, incipiens à baptismo Ioannis usque in diem, quâ assumptus est à nobis, testem resurrectionis ejus nobiscum fieri unum ex istis. *Actor. 1. v. 21. 22.*

MEDITATIO CCCLVIII.

Mathias in numerum Apostolorum adsciscitur.

I. ET statuerunt duos, Ioseph, qui vocabatur Barfabas, qui cognominatus est Iustus, & Mathiam. *Actor. 1. v. 23.*

II. Et orantes dixerunt: Tu Domine, qui corda nôsti omnium, ostende, quem elegeris ex his duobus unum, accipere locum

mi-

326 GLORIA IESV

ministerij hujus, & Apostolarum, de quo prævaricatus est Iudas, ut abiret in locum suum. *Act. 1. v. 24. & 25.*

III. Et dederunt sortes eis, & cecidit fors super Mathiam, & annumeratus est cum undecim Apostolis. *Act. 1. v. 26.*

MEDITATIO CCCLIX.

Spiritus sanctus effunditur super Apostolos, & loquuntur varijs linguis.

I. **C**um complerentur dies Pentecostes, erant omnes pariter in eodem loco: & factus est repente de cælo sonus, tamquam advenientis Spiritus vehementis, & replevit rotam domum, ubi erant sedentes. *Actor. 2. v. 1. & 2.*

II. Et apparuerunt illis dispersitæ linguæ tamquam ignis, seditque supra singulos eorum. *Actor. 2. v. 3.*

III. Et repleti sunt omnes Spiritu sancto, & cœperunt loqui varijs linguis, prout Spiritus sanctus dabat eloqui illis. *Act. 2. vers. 4.*

ME-

CHRISTI RED IVIVI. 327
MEDITATIO CCCLX.

*Admirantur Iudæi, quòd Apostoli lo-
quantur omnium gentium
linguis.*

I. ERant autem in Ierusalem habitantes
Iudæi, viri religiosi ex omni natione,
quæ sub cœlo est. Factâ autem hac voce,
convenit multitudo, & mente confusa est,
quoniam audiebat unusquisque linguâ suâ
illos loquentes. *Act. 2. v. 5. 6.*

II. Stupebant autem omnes, & miraban-
tur, dicentes: Nõne ecce omnes isti, qui
loquuntur, Galilæi sunt, & quomodo nos
audivimus unusquisque linguam nostram,
in qua nati sumus? Parthi, & Medi, & Æla-
mitæ, & qui habitant Mesopotamiam, Iu-
dæam, & Cappadociam, Pontum, & Asiam,
Phrygiam, & Pamphyliam, Ægyptum, &
partes Libyæ, quæ est circa Cyrenen, & ad-
venæ Romani, Iudæi quoque, & Profelyti,
Cretes, & Arabes: audivimus eos loquen-
tes nostris linguis magnalia DEI. *Act. 2.
Vers. 7. 8. 9. 10. 11.*

III. Stupebant autem omnes, & mira-
bantur ad invicem dicentes: Quidnam vult
hoc esse? Alij autem irridentes dicebant:
Quia musto pleni sunt isti. *Act. 2. v. 12. 13.*

MEDITATIO CCCLXI.

*Petrus probat ex Ioële, quod factum
mirabantur Iudæi.*

I. **S**Tans autem Petrus cum undecim, levavit vocem suam, & locutus est eis: Viri Iudæi, & qui habitatis Ierusalem universi, hoc vobis notum sit, & auribus percipite verba mea. Non enim, sicut vos aestimatis, hi ebrii sunt, cum sit hora diei tertia: sed hoc est, quod dictum est per prophetam Ioël: Et erit in novissimis diebus (dicit Dominus) effundam de Spiritu meo super omnem carnem: & prophetabunt filii vestri, & filiae vestrae: & juvenes vestri visiones videbunt, & seniores vestri somnia somniabunt. *Act. 2. v. 14. 15. 16. 17.*

II. Et quidem super servos meos, & super ancillas meas, in diebus illis effundam de Spiritu meo, & prophetabunt: & dabo prodigia in caelo sursum, & signa in terra deorsum, sanguinem, & ignem, & vaporem fumi. *Act. 2. v. 18. § 19.*

III. Sol convertetur in tenebras, & luna in sanguinem, antequam veniat dies Domini magnus & manifestus. Et erit: Omnis, quicumque invocaverit nomen Domini, salvus erit. *Act. 2. v. 20. § 21.*

CHRISTI REDIVIUI. 329
MEDITATIO CCCLXII.

*Prima concio S. Petri, de Passione &
Resurrectione Domini.*

I. **V**iri Israëlitaë, audite verba hæc: IESUM NAZARENUM, virum approbatum à DEO in vobis, virtutibus, & prodigijs, & signis, quæ fecit Deus per illum in medio vestri, sicut & vos scitis: hunc definito consilio & præscientiâ DEI traditum, per manus iniquorum affigentes interemistis. *Actor. 2. Vers. 22. & 23.*

II. Quem Deus suscitavit, solutis doloribus inferni, juxta quod impossibile erat teneri illum ab eo. David enim dicit in eum: Providebam Dominum, &c. *Actor. 2. V. 24. & 25.* Caro mea requiescet in spe: Quoniam non derelinques animam meam in inferno, nec dabis Sanctum tuum videre corruptionem. Notas mihi fecisti vias vitæ: &c. *Actor. 2. V. 26. 27. 28.*

III. Viri fratres, liceat audenter dicere ad vos de patriarcha David, quoniam defunctus est, &c. *Vers. 29.* Propheta igitur cum esset, & sciret, quia jurejurando jurâisset illi Deus de fructu lumbi ejus sedere super sedem ejus: providens locutus est de Resurrectione Christi, quia neque derelictus est
in

330 GLORIA IESU

in inferno, neque caro ejus vidit corruptio-
nem. *Actor. 2. v. 30. 31.*

IV. Hunc IESUM resuscitavit Deus: cu-
jus omnes nos testes sumus. *Vers. 32.* Cer-
rissimè sciat ergo omnis domus Israël, quia &
Dominum eum, & Christum fecit Deus, hunc
IESUM, quem vos crucifixistis. *Vers. 36.* His
autem auditis, compuncti sunt corde. *Actor.*
2. Vers. 37.

MEDITATIO CCCLXIII.

*Alia ejusdem Petri concio, de Passione
Domini, & Resurrectione.*

I. **V**iri Israëlitarum, quid miramini in hoc, aut
nos quid intuemini, quasi nostram vir-
tute aut potestate fecerimus hunc (claudum
ex utero matris suae) ambulare? Deus Abra-
ham, & Deus Isaac, & Deus Iacob, Deus pa-
trum nostrorum, glorificavit filium suum
IESUM, quem vos quidem tradidistis, & ne-
gastis ante faciem Pilati, judicante illo dimit-
ti. *Act. 3. v. 12. 13.*

II. Vos autem sanctum & justum ne-
gastis, & petistis virum homicidam donari
vobis: auctorem verò vitæ interfecistis,
quem Deus suscitavit à mortuis, cujus nos
testes sumus. *Act. 3. v. 14. & 15.*

III. Et

III. Et nunc, fratres, scio, quia per ignorantiam fecistis, sicut & principes vestri. Deus autem, quæ prænuñciavit per os omnium prophetarum, pati Christum suum, sic implevit. *Actor. 3. v. 17. & 18.*

MEDITATIO CCCLXIV.

In solo IESU Christo salus omnium consistit.

I. **H**ic est lapis, qui reprobatus est à vobis ædificantibus, qui factus est in caput anguli: & non est in alio aliquo salus. *Actor. 4. v. 11. & 12.*

II. Nec enim aliud nomen est sub cælo datum hominibus, in quo oporteat nos salvos fieri. *Actor. 4. v. 12.*

III. Deus patrum nostrorum suscitavit IESUM, quem vos interemistis, suspendentes in ligno. Hunc principem & salvatorem Deus exaltavit dextrâ suâ, ad dandam poenitentiam Israël, & remissionem peccatorum. *Actor. 5. v. 30. & 31.*

MEDITATIO CCCLXV.

De Fide ac Spe nostræ resurrectionis.

I. **P**enetrabo omnes inferiores partes terræ, & inspiciam omnes dormientes, &

372 GLORIA IESU REDIV,
& illuminabo omnes sperantes in Domino.
Eccli. 24. v. 45.

I I. Ecce ego aperiam tumulos vestros,
& educam vos de sepulchris vestris, populus
meus: & inducam vos in terram Israël. *E-*
zech. 37. v. 12.

II I. Nolumus vos ignorare, fratres, de
dormientibus, ut non contristemini, sicut
& ceteri, qui spem non habent. Si enim cre-
dimus, quod Iesus mortuus est, & resurrexit;
ita & Deus eos, qui dormierunt per IESUM,
adducet cum eo. *Paulus 1. Thessal. 4. vers.*
12. & 13.

IV. Hæc est voluntas ejus, qui misit
me, Patris: ut omne, quod dedit mihi, non
perdam ex eo, sed resuscitem illud in novis-
simo die. Hæc est autem voluntas Patris
mei, qui misit me: ut omnis, qui videt Fi-
lium, & credit in eum, habeat vitam æter-
nam, & ego resuscitabo eum in no-
vissimo die. *Ioan. 6. v. 39.*

¶ 40.



CON-